



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Domus Æternitatis Damnatae

Dirckinck, Johann

Coloniae Agrippinae, 1713

15. Perturbatio damnatae æternitatis.

[urn:nbn:de:hbz:466:1-50700](https://nbn-resolving.org/urn:nbn:de:hbz:466:1-50700)

156 *Domus eternitatis. Consideratio*
cra obtestor te, gratiam mihi, cunctisque
peccatoribus efficacem tribue, ut inatu-
re peccata nostra defleamus, & expie-
mus; bonisque operibus compensemus,
ne in gehenna, sera nos perturbet pœni-
tentia, torqueat angustia, & perpetua
scelerum memoria cruciet. Potius *Ver-*
mis ille conscientia, nos mordeat nunc, ut
moriatur, & paulatim desinat mordere:
mordendo interim rodat putredinem, ut
rodendo consumatur, & ipse quoque pari-
ter consumatur, ne foveri incipiat in im-
mortalitatem S. Bern. de convers. ad
Cler. c. 6. *Scriptum est enim: Dabo ignem*
& vermes in carnes eorum, ut urantur &
sentiant usque in sempiternum. Judith.
c. 16. 21.

CONSIDERATIO XV.

Perturbatio damnatæ æternitatis.

Ubi nullus ordo. Job. c. 10. 22.

13. *Augusti.*

I. **C**onsidera, quis, qualisvè ordo
aut quæ ordinata rerum disposi-
tio esse queat, in confusa illa Inferorum

Baby-

Babylonia ; ubi in densissimis tenebris permiscentur omnia : ubi ex omnium damnatorum mente perturbata, confunduntur omnia : ubi in summis odiis ac dissidiis, sibi contraria sunt omnia : ubi in pœnis & tormentis continuis, susque deque vertuntur omnia. *Ubi nullus ordo reperitur* : 1. Nullus ordo temporis. 2. Nullus ordo actionis. 3. Nullus ordo officiorum & dignitatis.

II. *Ibi nullus ordo diei & temporis.* Quis enim ordo esse possit in densissimis tenebris æternitatis ? Non ordo diei, quia jam vitæ dies transit: non temporis, quia *tempus non erit amplius*. Apoc. c. 10. 6. Post vitæ hujus dies, nox successit perpetua: post tempus breve, æternitas obruit infinita; ideoque confusio omnes & omnia, in Orco involvit perturbatissima. *Ubi nullus ordo.*

III. Quomodo igitur posset ibi esse ordo temporis ? Nullus enim ibi est ordo horarum, quia defunt horologia & silent æra campana: nullus ordo dierum, quia sol illic nunquam oritur, semel & temper occidit; nullus ordo mensium, quia

158 *Domus eternitatis. Consideratio*
quia luna illic nunquam cernitur : nul-
lus ordo annorum , quia cessat cursus
derum & aspectus planetarum ; nullus
ordo ætatum , ævorum , sæculorum , qui
ibi in confusione & perturbatione ma-
xima , versantur & volutantur omnia
idque in sæculorum sæcula. *Ubi nul-*
lus ordo.

Monitum.

Vide ô homo ! & agnosce cæcitate
tuam , qui tam exiguam geris cu-
ram nobilissimi temporis. *Nihil, inquit*
Bernardus ad Schol, pretiosius tempus
Et heu! nihil hodie vilius invenitur. Tran-
seunt dies salutis Et nemo recogitat, nem-
sibi perire diem Et nunquam reditur
causatur: sed sicut capillus de capite,
nec momentum peribit de tempore,
quot tu aureas horas otio, ludis, amor-
bus, colloquiis, oblectamentis & pecca-
tis stolidè insumis ! O quanto te dolor
hæc obruent in æternitate ! Quam lon-
ga tibi accidet illa perturbatione plena
nox perpetua ! Si vel una nox ob corpo-
ris dolores, curæve insomnis, in qua &

horas, & quadrantes ordine numeras, tam longa videatur ac molesta, ut mensis aut annus esse putetur: quàm longa, obsecro, videbitur nox confusa, nox æterna? ad quam nunquam aurora, dies nunquam sequitur? Quia annus, dies, hora, Vesper, mane, & *Tempus non erit amplius*. Apoc. c. 10. 6.

14. Augusti.

I. **I**bi *nullus ordo operis* vel actionis: quia ex omnium damnatorum mente perturbata, confunduntur omnia. Cogita Civitatem amplissimam, in qua Magistratus & cives omnes, præ pavore & horrore, mente moti & quasi siderati, amentium ritu, circumcursitent: quisnam inter eos locus & ordo operum & actionum? Talis urbs, talis regio est Orcus, ubi omnes incolæ præ dolore, & horrore attoniti, rabidi ac furiosi, nihil ex ordine valent agere: quia ibi, *nullus ordo, sed sempiternus horror inhabitat*. l. c.

II. Ac proinde nullæ ibi vigent artes sive liberales, sive illiberales; quia obstant dolores & angores: nulla ibi exercentur

160 *Domus eternitatis. Consideratio*
centur opificia mechanica ; quia desunt
instrumenta & materia : nulla tractantur
commercia; quia desunt merces & pecu-
nia: nulla reperiuntur honesta conversa-
tionum & recreationum oblectamenta,
quia mera sunt ibi tormenta & odia,
nulla est ibi vicissitudo laboris & quie-
tis ; quia labor & dolor est continuus,
nulla ibi est successio somni & vigilia,
quia una longa noctis sempiternæ , sine
omni somno, vigilia agitur.

III. Nullus ibidem ordo, nulla varie-
tas, aut alternatio ambulationis, statio-
nis, sessionis, quia manibus, pedibusque
ligatis, semper in flammis decumbitur.
Non est ibi vicissitudo colloquii & si-
lentii, quia clamor & ululatus perpetuus
percipitur, & lamentatio, comploratio-
que continua inauditur. Nulla est ibi
successio orationis & lectionis, laudis
& benedictionis Dei, quia assiduis diris
ac maledictis imprecationibus & blas-
phemiis, in Deum & Sanctos aurea
obtunduntur. O qualis confusio! qua-
lis perturbatio!

Doc

Documentum.

SI nolis, mi Lector, aliquando ad confusam hanc amandari Babyloniam, ubi nullus ordo est: fac tibi & serva accuratum diei & negotiorum ordinem; præsertim si in cœtu religioso degas, qui ideo ordinis nomen obtinuit; & si is absit, cætûs religiosi nomen non meretur. Ordinis observatio, maximum in rebus compendium est & ornamentum. Tolle ordinem in membris humanis, monstrum est. Tolle ordinem in ædificiorum saxis, acervus est, & sic de aliis. Ac proinde amor, cura, observatio ordinis actionum & temporis sit tibi commendatissima: secundum Apostoli consilium: *Omnia honestè & secundum ordinem fiant.* I. Corinth. c. 14. 40. Ordina laboris & quietis, studii & orationis, lectionis & scriptionis intervalla:

Nunc lege, nunc ora, nunc cum fervore labora;

Sic erit hora brevis, sic labor ipse levis.

Sic vitam piam, justam, ordinatam ages, atque ab Orci confusa perturbatione liberaberis.

15. Au-

15. *Augusti.*

I. **C**ONsidera denique qualisnam apud Inferos esse possit ordo, officii vel dignitatis; ubi summis odiis, diffidiis, pœnis ac suppliciis, omnia perturbantibus invertuntur omnia: ubi omnes, omnibus exuti honoribus, gradibus dejecti, privati officii, sunt pares; adeoque nullus est ibi ordo aut gradus regiminis ac dignitatis: nemo illic imperat, nemo alteri paret; nemo mandat, nemo bonum suadet aut consulit; nemo obtemperat vel obsequitur; atque hinc est respublica perturbatissima, & confusio universalis, omnis ordinis, maxima. *Ubi nullus ordo. Ubi dolor vermium, ardens flamma, oculorum lacryma, tenebra sine luce; ubi non est ullus honor, seu agnitio proximi.* S. Aug. L. de sal. docum.

II. Percurre honorata mundi huiusmunia & officia, eaque quære in Tartaro; sed nullum reperies: quia nullus est ibi ordo Reges inter & subditos; inter Episcopos & Clericos: inter Duces & milites; inter Prælatos & religiosos inter

ter Consules & cives, inter Dominos & servos, inter Nobiles & ignobiles, inter Cræsos & Iros, inter divites & mendicos: quia summa est ibi ataxia, nulla dominativa potestas, omnium in servitute & subjectione paritas. *Ubi non est honor Regis & senioris, nec Dominus super servum, nec mater diligit filium aut filiam, nec filius honorat Patrem, ubi omne malum, & omnis indignatio, & foetor & amaritudo abundat.* S. Aug. l. c.

III. Nulla igitur in Orco est personarum in officiis distinctio, nulla prærogativa, nulla prælatio, nulla majestas, ac dignitas. Jacent & cruciantur permixti, Reges ministris; Domini famulis; Polemarchi stipendiariis; Reginae pedissequis, Prælati subditis, omnes enim Babyloniam illam flammam ingressi, mancipantur carceri tartareo, suntque captivi Diaboli, omni gradu & honore exuti, anathematis perpetui fulmine perciti: omnes sunt teterrima, vilissima & abjectissima Diaboli mancipia: omnes instar sarmentorum in fasciculos colligati, sine ordine jacent, sine lege
cruci.

164 *Domus aeternitatis. Consideratio*
cruciantur, sine fine torquentur: ubi
nullus est ordo. Sed perturbatio inevita-
bilis, ubi continuus dolor & gemitus, ubi
mors optatur & non dabitur. S. Aug. l.c.

Affectus compassionis.

O Quàm compatior vobis, ô Magna-
tes & potentes! O quàm condoleo
vobis ô viri illustres & generosi! qui ho-
nori, exaltationi, plausui, laudi & om-
nium adulationi antè assueti; nunc om-
nia contraria experiri cogimini. O
quàm triste spectaculum! intueri Cæ-
res, Reges, Principes, Prælatos, olim ve-
lut Deastros adoratos in terris; nunc pro-
stratos conculcatosque à Dæmoniis; at-
que ob fastum, superbiam, arrogan-
tiam, omni honore, amore, autoritate
ac potestate privatos. *Vidi impium su-
per exaltatum & elevatum, sicut cedros
Libani; & transivi & ecce non erat: &
quesivi & non est inventus locus ejus. Psal.
36. 35. Sic evanuerunt, perierunt nudi-
date ignominia & confusione repleti:
Qui se exaltat humiliabitur. Ascendere
voluisti super altitudines nubium: Ve-*

runt.

Augusti 16.

165

runtamen ad infernum detraheris, in profundum lacu. Isaia c. 14. 15.

CONSIDERATIO XVI.

Horror damnatae æternitatis.

Ubi.... horror sempiternus inhabitat.

Job, c. 10. 22.

16. Augusti.

I. **P**erpende horrorem Damnatorum
incipere in extremo iudicii die: dum enim electi cum gaudio resurgunt, respiciunt mercedem capita levant, & redemptionem appropinquantem præstolantur: reprobis terrore summo complectentur: quantus enim horror erit, cum videbunt terribilia illa signa in sole, luna, stellis & terra? *Et ecce terra motus magnus factus est, & sol factus est niger, tanquam saccus cilicinus: & luna tora facta est sicut sanguis & stelle ceciderunt de celo super terram. Et calum recessit sicut liber involutus, & omnis mons & insula de locis suis mota sunt.* Apoc. c. 6. Similia horrenda refert Propheta Joel, c. 2. *Venit dies Domini, dies tenebra-*

tuno